

Na osnovu tačke IV. Odluke o usvajanju Programa utroška sredstava sa ekonomskog koda 614500 – subvencije privatnim preduzećima i poduzetnicima – Transfer za podršku tradicionalnim zanatima utvrđenog Proračunom Federacije BiH za 2023. godinu Federalnom ministarstvu razvoja, poduzetništva i obrta („Službene novine Federacije BiH“, broj: 91/23) i tačke IV. Odluke o usvajanju Programa utroška drugog dijela sredstava sa ekonomskog koda 614500 – subvencije privatnim preduzećima i poduzetnicima, utvrđenih Proračunom Federacije BiH za 2023. godinu Federalnom ministarstvu razvoja, poduzetništva i obrta („Službene novine Federacije BiH“, broj: 91/23) i člana 5. Pravilnika o postupcima u provođenju programa razvoja malog gospodarstva („Službene novine Federacije BiH“, broj: 50/13, 55/13 i 86/13), Federalno ministarstvo razvoja, poduzetništva i obrta raspisuje

**JAVNI POZIV**  
**ZA ODABIR KORISNIKA GRANT SREDSTAVA TEKUĆIH TRANSFERA**  
**ZA 2023. GODINU - POTICAJ ZA OPSTANAK STARIH I TRADICIONALNIH ZANATA**

**I. PREDMET JAVNOG POZIVA**

Predmet Javnog poziva je prikupljanje prijave za odabir korisnika grant sredstava Tekućih transfera, utvrđenih u razdjelu 50. Proračuna Federacije Bosne i Hercegovine za 2023. godinu Federalnom ministarstvu razvoja, poduzetništva i obrta („Službene novine Federacije BiH“, broj: 6/23 i 85/23).

**II. NAZIV PROJEKTA, SVRHA, KRITERIJI I KORISNICI SREDSTAVA**

Grant sredstva će se dodjeljivati po projektu:

**Poticaj za opstanak starih i tradicionalnih zanata**

Ukupna vrijednost raspoloživih sredstava za ovaj projekat je 200.000 KM.

**Svrha projekata**

Projekat „Poticaj za opstanak starih i tradicionalnih zanata“ provodi se u svrhu očuvanja obrtničke tradicije, kulturnog i historijskog nasljeđa poticanjem tradicionalnih i starih obrtničkih djelatnosti kroz sufinansiranje troškova nabavke opreme i repromaterijala, poboljšanje uslova rada i stručnog osposobljavanja zaposlenih.

**Kriteriji za raspodjelu sredstava**

Kriteriji za raspodjelu sredstava su: namjena ulaganja sredstava, vrsta djelatnosti, izvori – način financiranja, broj zaposlenih, pripadnost ciljnoj skupini, ravnomjerniji regionalni razvoj (stepen razvijenosti JLS), poticaji Ministarstva u posljednjih 5 (pet) godina.

**Kategorija korisnika sredstava**

Obrtnici koji obavljaju tradicionalni i stari zanat na osnovu rješenja o registraciji koje je donijelo nadležno općinsko/gradsko tijelo i koje je usaglašeno sa Zakonom o obrtu i srodnim djelatnostima u Federaciji Bosne i Hercegovine („Službene novine Federacije BiH“ broj: 75/21), čija djelatnost se nalazi na popisu tradicionalnih i starih zanata i istu obavljaju u skladu sa Uredbom o zaštiti tradicionalnih i starih zanata („Službene novine Federacije BiH“, broj: 28/22), imaju sjedište na

području Federacije Bosne i Hercegovine, registrovani su najkasnije do 31.12.2022. godine, te imaju najmanje 1 (jednog) zaposlenog.

Korisnici poticajnih grant sredstava Ministarstva u 2021. i 2022. godini nemaju pravo prijave na ovaj Javni poziv, osim korisnika poticajnih sredstava dodijeljenih po Uredbi o mjerama finansijske pomoći obrtima i ostalim samostalnim djelatnostima u Federaciji Bosne i Hercegovine u cilju ublažavanja negativnih posljedica pandemije COVID-19 i Projektu: „Subvencije privatnim preduzećima i poduzetnicima – Regresiranje kamata–Garancijski fond“.

### **III. PRAVO SUDJELOVANJA**

Korisnici poticajnih sredstava koji do završetka ovog Javnog poziva izvršili svoje ranije preuzete obaveze po osnovu korištenja poticajnih sredstava ovog Ministarstva, nemaju pravo sudjelovanja na ovom Javnom pozivu.

Pravo na dodjelu finansijskih sredstava se može ostvariti samo po jednom Javnom pozivu koji raspisuje ovo Ministarstvo u tekućoj godini (kredit ili grant).

Podnosioci prijave mogu podnijeti samo jednu prijavu po ovom Javnom pozivu. U slučaju više prijave istog podnosioca, sve prijave će biti odbačene i neće biti predmet daljnjeg razmatranja.

### **IV. SADRŽAJ PRIJAVE ZA UČEŠĆE U JAVNOM POZIVU**

Podnosioci prijave pripremaju prijave u skladu sa Smjernicama za podnosiocima prijave po ovom Javnom pozivu.

Smjernice za podnosiocima prijave i sva potrebna dokumentacija, mogu se preuzeti na internet stranici Ministarstva [www.fmrpo.gov.ba](http://www.fmrpo.gov.ba).

### **V. EVALUACIJA I ODABIR KORISNIKA**

Evaluacija i odabir korisnika će se vršiti u skladu sa kriterijima i procedurom utvrđenim Smjernicama za podnosiocima prijave.

Nakon obrade prispjelih prijave Ministarstvo će objaviti rezultate Javnog poziva u „Službenim novinama Federacije BiH“ i na internet stranici Ministarstva.

### **VI. NAČIN PODNOŠENJA PRIJAVE**

Prijave sa odgovarajućom dokumentacijom iz poglavlja IV, dostavljaju se neposredno ili preporučenom poštomu zapečaćenim kovertama na adresu:

**Federalno ministarstvo razvoja, poduzetništva i obrta  
dr. Ante Starčevića b.b.(Hotel „Ero“) 88000 Mostar,**

sa naznakom:

**Ne otvarati–po Javnom natječaju-Poticaj za opstanak starih i tradicionalnih zanata**

**Na poledini koverta obavezno navesti:**

- naziv–ime podnosioca prijave;
- adresu i kontakt telefon;
- ovjeriti pečatom podnosioca prijave.

**Prijave se dostavljaju zaključno sa 13.12.2023. godine (srijeda) odnosno prihvatit će se prijave koje imaju poštanski pečat najkasnijesa navedenim datumom.**

Prijave će biti odbačene i neće biti predmet daljnjeg razmatranja ako:

- su neblagovremene,
- nemaju sve sadržajne elemente,
- ne ispunjavaju uslove ovog javnog natječaja,

U postupku ovog javnog poziva Ministarstvo ne snosi nikakve troškove sudionicima u Javnom pozivu, te zadržava pravo da u slučaju opravdanosti poništi ovaj Javni poziv. Prispjela dokumentacija se neće vraćati.

## **VII. OSTALE ODREDBE**

Sa podnosiocima prihvaćenih prijava Ministarstvo zaključuje ugovore, kojima će se definisati međusobna prava i obaveze ugovornih strana, a posebno način i dinamika korištenja dodijeljenih finansijskih sredstava, te nadzor nad utroškom istih.

Podnosioci prijava čije se prijave odbace, mogu uložiti prigovor Ministarstvu u roku od 8 (osam) dana od dana objave rezultata Javnog poziva u „Službenim novinama Federacije BiH“, radi provjere činjenica i objektivnosti ocjene ponude.

Sva dodatna pitanja u vezi s ovim Javnim pozivom se mogu dostaviti putem elektronske pošte, najkasnije 3 (tri) dana prije isteka roka za podnošenje projektnih prijedloga, na e-mail adresu: [grant@fmrpo.gov.ba](mailto:grant@fmrpo.gov.ba)